

CYNGOR SIR YNYS MÔN	
PWYLLGOR:	Pwyllgor Sgriwtini Partneriaeth ac Adfywio
DYDDIAD:	15 Medi 2015
PWNC:	Diweddariad ar Drefniadau Sgriwtini Arfaethedig Y Bwrdd Gwasanaethau Lleol ar y Cyd
DEILYDD PORTFFOLIO:	Y Cynghorydd Ieuan Williams
AWDUR YR ADRODDIAD:	Adroddiad ar y Cyd gan: Llio Johnson (Uwch Reolydd Partneriaethau Gwynedd ac Ynys Môn), Geraint Wyn Roberts (Swyddog Sgriwtini Cyngor Sir Ynys Môn) a Vera Jones (Rheolwr Gwasanaethau Democrataidd Cyngor Gwynedd).
Ffôn:	D/O: 01248 752039
E-bost:	D/O: gwrce@ynysmon.gov.uk

1.0 ARGYMHELLIAD

- 1.1 Nodi'r diweddariad fel yr amlinellir ef yn yr adroddiad.
- 1.2 Bod diweddariad pellach yn cael ei gyflwyno i'r Pwyllgor unwaith y bydd swyddogion wedi cael amser i ystyried canllawiau a gyhoeddir gan Lywodraeth Cymru i gyd-fynd â Deddf Llesiant Cenedlaethau'r Dyfodol (Cymru) 2015 ac yn arbennig felly'r wybodaeth am sefydlu Bwrdd Gwasanaethau Cyhoeddus a chyfranogiad sgriwtini ynddo.

2.0 RHESWM

- 2.1 Cyflwynir yr adroddiad i roi'r wybodaeth ddiweddaraf i'r aelodau am y trefniadau sgriwtini ar y cyd a fwriedir ar gyfer Bwrdd Gwasanaethau Lleol Gwynedd ac Ynys Môn.
- 2.2 Bydd yr Aelodau'n cofio i Bwyllgor Sgriwtini Partneriaeth ac Adfywio Cyngor Sir Ynys Môn gytuno ar 14 Ionawr 2015 i sefydlu Panel Sgriwtini ar y Cyd ar gyfer Bwrdd Gwasanaethau Lleol Gwynedd a Môn (y Panel Sgriwtini ar y Cyd). Ar 15 Ionawr 2015 cyflwynwyd yr un adroddiad yn union i'r Pwyllgor Craffu Corfforaethol yng Nghyngor Gwynedd, ac ar ôl ystyried y materion a godwyd yn y cyfarfod cytunodd Cyngor Gwynedd hefyd, ar 26 Mawrth 2015, i sefydlu Panel Sgriwtini ar y Cyd.

- 2.3 Wrth gytuno i sefydlu Panel Sgriwtini ar y Cyd gofynnodd y ddau Bwyllgor Sgriwtini i swyddogion fwrw ymlaen i wneud y trefniadau ymarferol, gan gynnwys materion fel penderfynu'n derfynol ar aelodaeth y Panel Sgriwtini a'r trefniadau hyfforddiant.
- 2.4 Mae Swyddogion Cymorth y Bwrdd Gwasanaethau Lleol, Uned Graffu Cyngor Gwynedd ac Uned Sgriwtini Cyngor Sir Ynys Môn wedi cyfarfod i symud pethau ymlaen, ond maent wedi bod yn wyliadwrus rhag symud yn rhy sydyn oherwydd y bydd angen sefydlu Bwrdd Gwasanaethau Cyhoeddus ym mis Ebrill 2016 i ddisodli'r Bwrdd Gwasanaethau Lleol sy'n bodoli ar hyn o bryd. Mae'r ddeddfwriaeth ar gyfer sefydlu'r Bwrdd Gwasanaethau Cyhoeddus wedi ei chynnwys yn Neddf Llesiant Cenedlaethau'r Dyfodol (Cymru) 2015 a ddaeth i rym ar 29 Ebrill 2015.
- 2.5 Y sefyllfa ar hyn o bryd yw y disgwylir rhagor o ganllawiau mewn perthynas â Deddf Llesiant Cenedlaethau'r Dyfodol (Cymru) 2015 yn yr hydref eleni a dylai'r rheini roi mwy o eglurder ynghylch sut i fwrw ymlaen i sgriwtineiddio'r Bwrdd Gwasanaethau Cyhoeddus pan ddaw i rym ym mis Ebrill 2016. Fodd bynnag, ar hyn o bryd mae'r ddeddfwriaeth yn dweud yn glir y bydd aelodaeth y Bwrdd Gwasanaethau Cyhoeddus ar gyfer ein hardal yn cynnwys Cyngor Gwynedd, Cyngor Sir Ynys Môn, Bwrdd Iechyd Prifysgol Betsi Cadwaladr, Cyfoeth Naturiol Cymru a Gwasanaeth Tân ac Achub Gogledd Cymru. Dywed y Ddeddf hefyd bod rhaid i'r Bwrdd Gwasanaethau Cyhoeddus wahodd cyrff mandadol penodol (a restrir yn y Ddeddf), a bydd ganddo rym hefyd i wahodd unrhyw berson arall sy'n briodol yn eu barn nhw i gymryd rhan. Nid yw'r rheini a wahoddir yn fandadol neu'n ddewisol yn dod yn aelodau o'r bwrdd trwy dderbyn y gwahoddiad.
- 2.6 Cyfarfu'r Bwrdd Gwasanaethau Lleol ar 26 Mehefin 2015 gan argymhell y dylai'r Panel Sgriwtini ar y Cyd fwrw ymlaen ar y sail y dylai ei aelodaeth adlewyrchu aelodaeth statudol y Bwrdd Gwasanaethau Cyhoeddus. Gan fod y ddau Bwyllgor Sgriwtini bellach wedi adnabod eu haelodau i wasanaethu ar y Panel Sgriwtini, bydd angen i ni gydgyssylltu gyda chyrff eraill i gael enwebeion. Amgaeaf, wedi eu marcio fel **ATODIAD 1**, atodlen wedi eu diweddarau yn crynhoi aelodaeth, trefniadau llywodraethu ac adrodd yn ôl ac amllder y cyfarfodydd.
- 2.7 Ystyrir na fyddai'n ddoeth bwrw ymlaen i wneud dim byd arall ar hyn o bryd. Dylid pwyllo yn awr hyd nes y bydd y Canllawiau ffurfiol yn cael eu cyhoeddi gan Lywodraeth Cymru a hyd nes y ceir amser i'w hystyried. Fodd bynnag, gallwn gadarnhau bod ymholiadau wedi eu gwneud i gael darparwr hyfforddiant addas i roi hyfforddiant sydd wedi ei deilwrio'n benodol ar gyfer aelodau'r Panel Sgriwtini ar y cyd unwaith y sefydlir ei aelodaeth.

Awdur: Adroddiad ar y cyd gan Llio Johnson (Uwch Reolydd Partneriaethau Gwynedd ac Ynys Môn), Geraint Wyn Roberts (Swyddog Sgriwtini Cyngor Sir Ynys Môn) a Vera Jones (Rheolwr Gwasanaethau Democrataidd Cyngor Gwynedd).

Dyddiad: 24 Awst 2015

ATODIAD 1

Aelodaeth

Y Panel i adlewyrchu aelodaeth y Bwrdd Gwasanaethau Cyhoeddus. Bydd cynrychiolwyr o'r partneriaid statdol yn dod â gwahanol gyfraniad ac agwedd at y bwrdd, yn cynnwys eu ffurf benodol hwy o atebolrwydd ac arbenigedd gwasanaeth a phroffesiynol unigryw. Yr amcan yw creu synergedd cryf trwy gyfuno ac adeiladu ar gryfderau a mynd i'r afael â rhwystrau lle y gallant fodoli. Cynigir yr aelodaeth a ganlyn sy'n seiliedig ar arfer dda :-

- 3 Aelod Etholedig o Gyngor Gwynedd nad ydynt ar y Pwyllgor Gwaith;
- 3 Aelod Etholedig o Gyngor Sir Ynys Môn nad ydynt ar y Pwyllgor Gwaith;
- 1 wedi'i enwebu o Fwrdd Iechyd Prifysgol Betsi Cadwaladr;
- 1 wedi'i enwebu o Wasanaeth Tân ac Achub Gogledd Cymru;
- 1 wedi'i enwebu o Cyfoeth Naturiol Cymru.

Trefniadau Llywodraethu ac Adrodd yn ôl

Er mai un o brif gryfderau'r model hwn yw ei hyblygrwydd a'i fod yn rhydd o nifer o rwystrau cyfansoddiadol. Mae angen cwblhau gwaith pellach er mwyn datblygu'r trefniadau llywodraethu ac adrodd yn ôl yn llawn ar gyfer y Panel Sgriwtini arfaethedig. Bydd y canllawiau isod yn sylfaen i'r trefniadau hyn :-

- Darparu her 'ffrind beirniadol' i'r Bwrdd Gwasanaethau Cyhoeddus.
- Sgriwtineiddio, gwerthuso a hyrwyddo yn weithredol welliant mewn gwaith a wneir yn unol â blaenoriaethau'r Bwrdd Gwasanaethau Cyhoeddus ac nid rhai'r sefydliadau unigol sy'n rhan o'r Bwrdd ac sy'n cael eu cynrychioli ar y Bwrdd Gwasanaethau Cyhoeddus.
- Sgriwtineiddio, gwerthuso a bod yn weithredol yn hyrwyddo gwelliant o ran datblygu a gweithredu prosiectau i fynd i'r afael â'r blaenoriaethau a osodwyd gan y Bwrdd Gwasanaethau Cyhoeddus .
- Cyflwyno adroddiadau i'r partneriaid neu'r BGC (fel bydd yn briodol) a gwneud argymhellion ar fesurau all wella effaith y Bwrdd Gwasanaethau Cyhoeddus.
- Adlewyrchu llais a phryderon dinasyddion a chymunedau yng Ngwynedd a Môn.

Amllder y Cyfarfodydd

Bwrriedir y bydd cyfarfodydd o'r Panel yn cael eu galw yn 6 misol. Fodd bynnag, bydd angen cael rhywfaint o hyblygrwydd wrth i siwrnai drawsnewid y Bwrdd Gwasanaethau Cyhoeddus e.e. efallai y bydd aelodau'r Panel yn dymuno ystyried materion ar sail ad-hoc.